



Միջին մասնագիտական որակավորման մասնագետներ (§ 18a AufenthG)

միայն Գերմանիայի համար

Վիզայի համար դիմում ներկայացնելը

Դիմում ներկայացնելու համար անհրաժեշտ է նախապես հերթագրվել: Հերթագրվել կարող եք միայն առցանց եղանակով: Առցանց հերթագրման համակարգ կարող եք մուտք գործել դեսպանության կայքի միջոցով. www.eriwan.diplo.de :

- Ոչ գերմանալեզու փաստաթղթերը՝ բացառությամբ անձնագրի տվյալների էջի, պետք է ներկայացնել գերմաներեն հաստատված թարգմանությամբ:
- Վկայականները, դիպլոմները և նմանատիպ փաստաթղթերը պետք է ներկայացնել բնօրինակով և ապոստիլով/լեզալիզացիայով: Բնօրինակները կվերադարձվեն:
- Վիզայի համար հնարավոր է, որ անհրաժեշտ լինի ԳԴՀ աշխատանքի դաշնային գործակալության (Bundesagentur für Arbeit) և համապատասխան վայրի Օտարերկրացիների հարցերով մարմնի (Ausländerbehörde) համաձայնությունը: Վիզան կարող է տրվել միայն, երբ դեսպանությունը ստանա այս համաձայնությունները:
- **Դիմումի քննությունը և մշակումը սովորաբար տևում է 2 – 6 շաբաթ**, առանձին դեպքերում՝ ավելի երկար:
- Ավիատոմսի ամրագրում վիզայի համար չի պահանջվում, խնդրում ենք ավիատոմս ամրագրել միայն վիզա ստանալուց հետո:
- Դեսպանությունն իրեն իրավունք է վերապահում պահանջել լրացուցիչ փաստաթղթեր: Լիարժեք դիմում ներկայացնելը դեռևս բավարար հիմք չէ վիզա ստանալու համար:
- Ոչ լիարժեք փաստաթղթերը ձգձգում են դիմումի ընթացքը և կարող են մերժման պատճառ դառնալ:
- **Խնդրում ենք դիմումի վեցշաբաթյա մշակման ժամանակահատվածում ձեռնպահ մնալ դիմումի ընթացքի վերաբերյալ հարցումներ անելուց:** Այդ հարցումները էապես ծանրաբեռնում են վիզայի բաժնի աշխատանքը, այդ պատճառով վիզայի բաժինը չի կարող պատասխանել:
- Վիզայի վճարը կազմում է 75 եվրո, որը վճարվում է դրամով՝ դիմումը հանձնելիս:

Դիմումի փաստաթղթերը

Դիմում հանձնելիս անհրաժեշտ է **անձամբ** ներկայացնել ստորև նշված փաստաթղթերը: Սկզբունքորեն բոլոր փաստաթղթերը պետք է ներկայացնել **բնօրինակով**, յուրաքանչյուրից նաև՝ **երկուական պատճեն**: Խնդրում ենք ուշադրություն դարձնել, որ փաստաթղթերը պատուհանի մոտ պետք է հանձնել **երկու նույնական փաթեթով** (յուրաքանչյուր փաթեթը սկսվում է դիմում-հարցաթերթիկով և պարունակում ստորև թվարկված փաստաթղթերի պատճենները)՝ դասավորելով նշված հերթականությամբ: Բոլոր փաստաթղթերը (հատկապես անձնագրի պատճենները) անհրաժեշտ է ներկայացնել **A4 ֆորմատի** թղթի վրա: Խնդրում ենք թղթերը **չկարել, չամրացնել:**

Դեսպանություն ուղարկված այն ֆաքսերը կամ գրությունները, որոնց վրա բացակայում է վիզայի գործի համարը, չեն տեսակավորվում և չեն կցվում գործերին:

Ոչ լիարժեք դիմումները չեն ընդունվում:

Դեսպանությունը հուշում է, որ համաձայն Կացության մասին օրենքի §82-ի՝ յուրաքանչյուր դիմող պարտավոր է ապահովել դիմումի լիարժեքությունը, եթե որևէ փաստաթուղթ բացակայում է, դեսպանությունը համարում է, որ այն չի կարող ներկայացվել:

Ընդհանուր տեղեկություններ

Որպես մասնագետ, որի միջին մասնագիտական կրթությունը ճանաչվում է Գերմանիայում, Դուք կարող եք կացության իրավունք ստանալ Ձեր որակավորմանը համապատասխան մասնագիտական աշխատանք կատարելու նպատակով: Խնդրում ենք հաշվի առնել, որ արտերկրում կան բարձրագույն ուսումնական հաստատությունների ավարտական որակավորումներ, որոնք Գերմանիայում գնահատվում ենք որպես միջին մասնագիտական որակավորում:

Գերմանիայում ապրելու և աշխատելու վերաբերյալ հավելյալ տեղեկություններ կարող եք գտնել այստեղ

www.make-it-in-germany.com

Անհրաժեշտ փաստաթղթեր

- գերմաներենով կամ անգլերենով լիարժեք լրացված 2 դիմում-հարցաթերթիկ՝ ներառյալ Կացության մասին դաշնային օրենքի §54-ով սահմանված իրազեկումը: Հարցաթերթիկը կարող եք գտնել դեսպանության կայքում՝ սույն հղումով. <https://videx-national.diplo.de>,
- անհրաժեշտության դեպքում՝ երկու լիարժեք լրացված և ստորագրված հայտարարություն հասանելիության ([հղում](#)) վերաբերյալ,
- 3 նոր, բիոմետրիկ լուսանկար, երկուսը խնդրում ենք սոսնձել դիմում-հարցաթերթիկներին,
- գործող ճամփորդական անձնագիր, որը վավերական լինի առնվազն 6 ամիս, (անձնագրում պետք է լինի առնվազն երկու դատարկ էջ, իսկ անձնագիրը տրված լինի ոչ ավելի վաղ, քան տասը տարի առաջ),
- անձնագրի այն էջերի պատճենները, որտեղ առկա է կնիք, վիզա կամ որևէ այլ նշում,
- կրթության և աշխատանքային գործունեության վերաբերյալ առանց բացթողումների ինքնակենսագրություն գերմաներենով կամ անգլերենով՝ և մեկ պատճեն,
- ստորագրված աշխատանքային պայմանագրի բնօրինակը և երկու պատճեն (աշխատանքային պայմանագիրը պետք է պարունակի տեղեկություններ գործունեության, աշխատավայրի, աշխատանքային հարաբերության մեկնարկի և տևողության, շաբաթական ժամաքանակի և վարձատրության մասին),
- գործատուի լրացմամբ և ստորագրությամբ ձևը՝ **«Հայտարարություն զբաղվածության (աշխատանքային) հարաբերության մասին» (Erklärung zum Beschäftigungsverhältnis)** և երկու պատճեն,
- Եթե լրացել է անձի 45 տարին. համապատասխան կենսաթոշակային ապահովման վկայականի բնօրինակը և երկու պատճեն (միայն, եթե աշխատավարձը չի համապատասխանում ընդհանուր

կենսաթոշակային ապահովագրության մուծումների տարեկան սահմանաչափի առնվազն 55%-ին – 2021թ. դրությամբ՝ 46.860 եվրո համախառն /տարեկան։)

- **Միջին մասնագիտական կրթության ճանաչման վերաբերյալ տեղեկանք.** Գերմանիայում մասնագիտությունների ճանաչման հարցերով մարմնի կողմից տրված ճանաչման վերաբերյալ տեղեկանքը բնօրինակով և երկու պատճենով կամ (այսպես կոչված ռեզլեմենտացված մասնագիտությունների դեպքում, որոնց համար պահանջվում է մասնագիտական գործունեություն ծավալելու թույլտվություն, օրինակ՝ խնամք իրականացնող մասնագիտությունները: Լիարժեք ցանկը՝ սույն հղումներով՝ [Bundesagentur für Arbeit կամ EU-Kommission](#))
- Մասնագիտական գործունեություն ծավալելու թույլտվություն,** որը տրվում է իրավասու ճանաչման մարմնի կողմից, կամ **այդ թույլտվությունը հետագայում տալու հավաստումը,** օրինակ՝ բժշկական մասնագիտությունների համար (ներկայացնել բնօրինակը և երկու պատճեն): Ճանաչման ընթացակարգի վերաբերյալ մանրամասները՝ սույն հղումով. www.anerkennung-in-deutschland.de
- **Որակավորման վկայականներ,** օրինակ՝ դիպլոմներ, վկայականներ, աշխատանքային գրքույկ (թարգմանությամբ), ավարտական վկայականները՝ բնօրինակով և երկու պատճենով:
- Այլ՝ ոչ Հայաստանի Հանրապետության քաղաքացիություն ունեցող անձինք, օրինակ՝ Ռուսաստանի, Իրանի կամ Հնդկաստանի քաղաքացիները իրենց բնակությունը Հայաստանում հավաստելու համար պետք է ներկայացնեն Հայաստանի կացության թույլտվություն՝ ռեզիդենտ քարտ (առնվազն վեց ամսվա):
- Բժշկական բավարար ապահովագրական պաշտպանվածության վկայական Եթե օրենքով սահմանված բժշկական ապահովագրության շրջանակում Ձեր ապահովագրական պարտավորությունը պետք է իրացնեք Դուք՝ որպես աշխատող, ապա պետք է նկատի ունենաք, որ այն սկսելու է գործել միայն Ձեր՝ Գերմանիայում բնակության վայրում հաստատվելու և աշխատանքային գործունեությունը սկսելու պահից: Եթե Դուք ավելի շուտ եք մուտք գործելու Գերմանիա, Ձեզ հարկավոր է մինչև աշխատանքային հարաբերության մեկնարկը և օրենքով սահմանված բժշկական ապահովագրության մեջ Ձեր ներառվելը կնքել ժամանակավոր՝ մասնավոր բժշկական ապահովագրություն: Ճամփորդական բժշկական ապահովագրությունները, հնարավոր է, չապահովեն ապահովագրական պաշտպանվածություն և Ձեր ապահովագրության պայմաններում, եթե նախատեսված է երկարաժամկետ և տևական կացություն: Հնարավոր է, որ այսպես կոչված „incoming“ ապահովագրությունները նույնպես չապահովեն այդպիսի պաշտպանվածություն:

Կարևոր ցուցումներ

Ձեր ուշադրությունն ենք հրավիրում այն հանգամանքին, որ վիզայի դիմումը հանձնելիս որևէ այլ վճար, քան **դեսպանության շենքում՝ վիզաների բաժնի պատուհանի մոտ** գանձվող վիզայի վճարն է, նախատեսված չէ:

Դեսպանությունը **չի համագործակցում** տուրիստական ընկերությունների հետ: **Դա վերաբերում է նաև դեսպանության անմիջական հարևանությամբ գտնվող գրասենյակներին:** Ճամփորդական կամ այլ ծառայություններ մատուցող գրասենյակների աշխատակիցների պնդումներն այն մասին, որ իրենք համագործակցում են դեսպանության հետ, **չի համապատասխանում իրականությանը:**

Ոչ ոք չի կարող ազդել Ձեր դիմումի հաջողության հեռանկարի վրա, քանի որ դիմումների վերաբերյալ որոշումները կայացնում է բացառապես գերմանացիներից բաղկացած անձնակազմը: **Եթե Ձեզ այլ բան են խոստանում, ապա Ձեզ փորձում են խաբել: Ոչ մի դեպքում գումար մի՛ տվեք:** Վիզայի հետ կապված հարցերի մասին արժանահավատ տեղեկություններ կարող եք անվճար ստանալ **դեսպանության վիզաների բաժնի աշխատակիցներից:** Այլ անձինք տեղեկություններ տրամադրելու իրավասություն չունեն: